

Տ Ե Ղ Ե Կ Ա Տ Վ Ո Ւ Թ Յ Ո Ւ Ն

2014 ԹՎԱԿԱՆԻՆ ԿՐԹՈՒԹՅԱՆ ՈԼՈՐՏՈՒՄ ԻՐԱԿԱՆԱՅՎԱԾ ԱՇԽԱՏԱՆՔՆԵՐԻ

ՎԵՐԱԲԵՐՅԱԼ

Հայաստանի Հանրապետության Շիրակի մարզում 2014 թվականին կրթության ոլորտում իրականացված աշխատանքներում մարզպետարանի աշխատակազմի կրթության բաժինը առաջնորդվել է կրթության ոլորտում պետական քաղաքականության ուղենիշներով, 2014 թվականի աշխատանքային պլանով, ինչպես նաև Հայաստանի Հանրապետության Շիրակի մարզպետի կողմից ստացված հանձնարարականներով:

Մարզում գործում են 168 պետական հանրակրթական ուսումնական հաստատություններ, որոնցից 151-ը՝ մարզպետարանի */համաձայն Հայաստանի Հանրապետության կառավարության 23.10.2014թ. թիվ 1147-Ս «Բարձրաշենի հիմնական դպրոց□ պետական ոչ առևտրային կազմակերպությունը վերակազմակերպելու մասին» որոշման՝ Բարձրաշենի հիմնական դպրոցը միացվել է Հայաստանի Հանրապետության Շիրակի մարզի Բսահակայանի միջնակարգ դպրոցին/*, 17-ը՝ Հայաստանի Հանրապետության կրթության և գիտության նախարարության ենթակայության:

Դպրոցներից 55-ը գործում են մարզի 3 քաղաքներում, 113-ը՝ 112 գյուղերում:

Հանրակրթական դպրոցներից 30-ը գործում են Բարձր լեռնային, 44-ը՝ լեռնային, 13-ը՝ սահմանամերձ բնակավայրերում:

Կրթության որակի և մատչելիության բարձրացումն ապահովելու նպատակով 2014 թվականին ընդհանուր առմամբ շարունակվել են հանրակրթական համակարգում իրականացվող բարեփոխումները, ընդլայնվել է նախադպրոցական կրթության հասանելիությունը մարզի գյուղական համայնքներում, ապահովվել է վարչական աշխատողների և պարտադիր ատեստավորման նպատակով ուսուցիչների վերապատրաստումների իրականացումը, շարունակվել են ուսուցիչների որակավորման տարակարգի շնորհման գործընթացները: 5 ուսուցչի շնորհվել է որակավորման առաջին աստիճանի տարակարգ:

2014 թվականի 1-ին կիսամյակի ընթացքում մարզի հանրակրթական դպրոցների 3200 աշակերտներ մասնակցել են հանրապետական առարկայական օլիմպիադաների տարածքային փուլին, որի արդյունքներով 1040 աշակերտներ անցել են մարզային փուլ և նրանցից 160-ը դարձել են օլիմպիադաների հանրապետական փուլերի մասնակիցներ՝ ձեռք բերելով չորս 1-ին, տասը 2-րդ և տասնհինգ 3-րդ կարգի դիպլոմներ:

2014 թվականին շարունակվել են ուսումնական հաստատությունների նյութատեխնիկական և ուսումնամեթոդական բազայի համալրման, նորագույն տեխնոլոգիաների ներդրման աշխատանքները, գյուղական համայնքների դպրոցահասակ երեխաների երթևեկության կազմակերպումը:

Կրթության առանձնահատուկ պայմանների կարիք ունեցող երեխաների համար մարզի ուսումնական հաստատություններում ընթացել են կենսագործունեության համապատասխան

միջավայրի, անհրաժեշտ պայմանների ստեղծման և մասնագիտացված մանկավարժական համակազմի պատրաստման աշխատանքներ, ավելացել է ներառական կրթություն իրականացնող դպրոցների քանակը:

2014 թվականին կրթության առանձնահատուկ պայմանների կարիք ունեցող երեխաների համար ներառական կրթություն է իրականացվել մարզի 12 հանրակրթական դպրոցներում՝ 371 աշակերտի համար և Հայաստանի Հանրապետության պետական բյուջեից այդ նպատակով ուսումնական հաստատություններին հատկացվել է 147.866.6 հազ. դրամ: Ներառական կրթության որակի բարձրացման նպատակով 148 մանկավարժներ անցել են համապատասխան մասնագիտական վերապատրաստում:

Կրթության առանձնահատուկ պայմանների կարիք ունեցող երեխաների համար նախատեսված կրթական ծրագրեր իրականացնում են նաև մարզի երկու հատուկ դպրոցները՝ Գյումրու մտավոր թերզարգացում ունեցող երեխաների թիվ 3 հատուկ /օժանդակ/ դպրոցը և Արթիկի թիվ 1 հատուկ դպրոցը: Այդ դպրոցներում ընդգրկված են 124 երեխաներ:

Մարզում գործում են 46 համայնքային նախակրթարաններ, որտեղ հաճախում են 3936 երեխաներ: 2014 թվականի մայիս-հունիս ամիսներին մասնագիտական վերապատրաստում են ստացել նախակրթարանների 145 դաստիարակ-մանկավարժներ:

Նախադպրոցական կրթության բնագավառում «Օգնություն նախադպրոցական տարիքի երեխաներին» ծրագրով իրականացվում է մարզի հանրակրթական դպրոցներում գործող 54 նախակրթարանների գործունեությունը, այստեղ հաճախում են 887 երեխա: 2014 թվականին պետական բյուջեից ուսումնական հաստատություններին այդ նպատակով հատկացվել է 129.168.3 հազ. դրամ: Անհրաժեշտ է նշել, որ 54 դպրոցներից 11-ը սկսած 2014 թվականի սեպտեմբերից՝ համաձայն ծրագրի, ֆինանսավորվում են պետական միջոցների հաշվին:

2014 թվականի հունիս-օգոստոս ամիսներին շարունակվել է մարզի հանրակրթական դպրոցներում սովորող սոցիալապես անապահով և բազմազավակ ընտանիքների 7-14 տարեկան 525 երեխաների ամառային հանգստի կազմակերպումը Հայաստանի Հանրապետության Կոտայքի մարզի Հանքավանի «Արագած» ճամբարում /1-ին, 2-րդ և 3-րդ հերթափոխներ/:

Անհրաժեշտ աջակցություն է ցուցաբերվել մանկավարժների համար կազմակերպված վերապատրաստումների անցկացման աշխատանքներին: Իրականացված վերապատրաստումներին մասնակցել են մարզի դպրոցների 34 փոխտնօրեններ ինչպես նաև ներառական կրթություն - 148, նախաատեստացիոն պատրաստություն - 673 ուսուցիչներ՝ 18 առարկաների գծով և համայնքային մանկապարտեզների 145 դաստիարակ-մանկավարժներ: Երկրորդ կիսամյակում իրականացված վերապատրաստումներին մասնակցել են մարզի պետական հանրակրթական դպրոցների 263 ուսուցիչներ՝ 10 առարկաների գծով /նախաատեստացիոն վերապատրաստում/: Եվս 30 ուսուցիչներ վերապատրաստվել են «Վորլդ Վիժն» ՀԿ-ի կողմից կազմակերպված դասընթացներում: Ընդհանուր առմամբ վերապատրաստված մանկավարժների թիվը մարզում հասնում է 1293-ի: Հոկտեմբեր-նոյեմբեր ամիսներին կազմակերպվել է հանրակրթական ուսումնական հաստատությունների

2014 թվականին ատեստավորման ենթակա 569 ուսուցիչների հայտերի ընդունման և ըստ առարկաների դասակարգման աշխատանքները:

Մարզի գրեթե բոլոր հանրակրթական ուսումնական հաստատություններում ստեղծվել են սահմանված պահանջներին համապատասխանող զենք, զինամթերքի պահեստ-պահարաններ, որոնք համալրվել են ուսումնական զենք, զինամթերքով: Մի քանի դպրոցներում հնարավոր չէ պահանջված պայմաններն ապահովող պահեստ-պահարանների կառուցումը, որովհետև դպրոցական շենքերը արտասահմանյան կառույցներ են և չեն բավարարում պահանջվող չափանիշներին:

Ապահովելով կրթության բնագավառում Հայաստանի Հանրապետության օրենսդրությամբ և ենթաօրենսդրական նորմատիվ ակտերով սահմանված պահանջների կատարումը 2014 թվականին իրականացվել են պետական հանրակրթական ուսումնական հաստատությունների կոլեգիալ կառավարման մարմինների՝ խորհուրդների, սնօրենների և ուսուցիչների պաշտոնների թափուր տեղերի համար մրցույթների իրականացման գործընթացների մեթոդական աջակցությունը և վերահսկողությունը:

Քննարկվել և Հայաստանի Հանրապետության տարածքային կառավարման, Հայաստանի Հանրապետության կրթության և գիտության նախարարություններ են ներկայացվել □Ուսուցիչների ատեստավորման տարածքային և հանրապետական հանձնաժողովների ձևավորման և գործունեության□, □Ուսուցիչների ատեստավորման և որակավորման տարակարգերի շնորհման□ վերաբերյալ առաջարկություններ:

Ղեկավարվելով Հայաստանի Հանրապետության կրթության և գիտության նախարարի 18.03.2010թ. N113-Ն □Հայաստանի Հանրապետության «Պետական հանրակրթական ուսումնական հաստատություն» պետական ոչ առեվտրային կազմակերպության կոլեգիալ կառավարման մարմնի՝ խորհրդի ձևավորման կարգը հաստատելու և Հայաստանի Հանրապետության կրթության և գիտության նախարարի 2006 թվականի դեկտեմբերի 8-ի N 981-Ն հրամանը ուժը կորցրած ճանաչելու մասին□ հրամանով հաստատված կարգի դրույթներով մարզի պետական հանրակրթական դպրոցների կոլեգիալ կառավարման մարմինների՝ խորհուրդների կազմերում տեղի ունեցած փոփոխությունները հաստատելու նպատակով Հայաստանի Հանրապետության Շիրակի մարզպետի հաստատմանն է ներկայացվել համապատասխան որոշումների 58 նախագիծ և ընդունված որոշումներով դպրոցների խորհուրդների կազմերում կատարվել են առաջադրող մարմինների կողմից ներկայացված խորհրդի 64 անդամի փոփոխություններ: Համապատասխան փաստաթղթային հիմնավորումների բացակայության կամ անբավարար լինելու հիմքով մերժվել է կառավարման խորհրդի կազմում փոփոխություն կատարելու վերաբերյալ Անուշավանի միջնակարգ դպրոցի մանկավարժական և Սիզավետի միջնակարգ ու Արթիկի թիվ 5 հիմնական դպրոցների ծնողական խորհուրդների կողմից կայացված որոշումները:

Ղեկավարվելով Հայաստանի Հանրապետության կառավարության 04.03.2010թ. N319-Ն Պետական հանրակրթական ուսումնական հաստատության տնօրենի ընտրության (նշանակման) կարգը հաստատելու մասին՝ որոշմամբ հաստատված կարգով՝ 2014 թվականի ընթացքում մարզի հանրակրթական դպրոցներում հայտարարվել և անցկացվել է հաստատության տնօրենի պաշտոնի թափուր տեղի 54 մրցույթ: Մրցույթների անցկացման մասին ուսումնական հաստատությունների խորհրդների կողմից ընդունված որոշման քաղվածքները և հայտարարությունները սահմանված կարգի համաձայն սահմանված ժամկետներում ներկայացվել են Հայաստանի Հանրապետության կրթության և գիտության նախարարությանը, հրապարակվել են azdarar.am, edu.am, shirak.gov.am էլեկտրոնային կայք-էջերում և տեղական ՋԼՄ-ներով: Այս գործընթացի շրջանակներում Հայաստանի Հանրապետության Շիրակի մարզպետի համապատասխան որոշումներով մարզային ենթակայության դպրոցների գործադիր մարմինների պաշտոններում նշանակվել են 54 տնօրեններ կամ տնօրենի պաշտոնակատարներ:

Հաշվետու ժամանակաշրջանում մարզի պետական հանրակրթական դպրոցները առաջնորդվելով Հայաստանի Հանրապետության կրթության և գիտության նախարարի 30.07.2013թ. N1001-Ն ՊՀայաստանի Հանրապետության կրթության և գիտության նախարարի 2013 թվականի ապրիլի 15-ի N 396-ն հրամանում փոփոխություն կատարելու մասին՝ հրամանով հաստատված կարգի դրույթներով արձանագրել են մանկավարժական տարբեր մասնագիտությունների գծով ուսուցիչների մոտ 240 թափուր աշխատատեղ, որոնց համալրման նպատակով դպրոցները «Կրթություն» շաբաթաթերթում, տեղական հեռուստատեսությամբ /ՁՅայգ, Շանթ/ և մարզպետարանի ինտերնետային կայք էջում /shirak.gov.am/ տարվա ընթացքում պարբերաբար մրցույթներ են հայտարարել. թափուր մնացած աշխատատեղերը զբաղեցված են ժամանակավոր փոխարինողների կողմից՝ մինչև մրցույթով համապատասխան ուսուցչի նշանակումը:

Վերևում նշված մրցույթների անցկացման հետ կապված ուսումնական հաստատությունների ցուցաբերվել է անհրաժեշտ մեթոդական օգնություն՝ մրցութային հանձնաժողովների ձևավորման, մրցույթների հայտարարման և անցկացման, մասնակիցների անձնական գործերի ուսումնասիրման ու մրցույթների արդյունքների արձանագրման աշխատանքներում:

Կրթության պետական չափորոշիչով սահմանված ՊՀանրակրթական ուսուցում, Հատուկ ընդհանուր կրթություն, Արտադպրոցական դաստիարակություն, Ներառական կրթություն, Երեկոյան կրթություն ծրագրերի տարրական, հիմնական և միջնակարգ ընդհանուր կրթության բաղադրիչները ֆինանսավորվել են Հայաստանի Հանրապետության պետական բյուջեից և իրականացվել են ամբողջությամբ:

2014 թվականին մարզի համայնքների ղեկավարների և հանրակրթական դպրոցների կողմից համակարգվել և վերահսկվել են դպրոցական և նախադպրոցական տարիքի երեխաների

հաշվառումը, վերահսկվել է դպրոցից-դպրոց տեղափոխվող աշակերտների շարժը, կազմվել են 2014-2015, 2015-2016, 2016-2017 ուսումնական տարիների նախնական կոմպլեկտավորումները և ներկայացվել ՀՀ ԿԳ նախարարություն՝ սահմանված կարգի համաձայն: Կազմվել են 2014-2015 ուսումնական տարվա 2-րդ կիսամյակի, 2015-2016 ուսումնական տարվա աշակերտական համակազմի նախնական կոմպլեկտավորումները և ներկայացվել աշխատակազմի ֆինանսական և սոցիալ-տնտեսական զարգացման վարչություն:

Աշխատակազմի կրթության բաժնի կողմից մշակվել և համապատասխան ոլորտային գլխադասային մարմինն է ներկայացվել 2015-2017 թվականների միջնաժամկետ ծախսային ծրագրի ոլորտային քաղաքականության իրականացման ուղղությունները:

Ի կատարումն Հայաստանի Հանրապետության կառավարության 23.10.2014թ. թիվ 1147-Ս «Բարձրաշենի հիմնական դպրոց՝ պետական ոչ առևտրային կազմակերպությունը վերակազմակերպելու մասին» որոշման՝ ստեղծվել է ոլորտային աշխատանքային խումբ՝ Հայաստանի Հանրապետության Շիրակի մարզի Բարձրաշենի հիմնական դպրոցը Հայաստանի Հանրապետության Շիրակի մարզի Իսահակյանի միջնակարգ դպրոցին միացման ձևով վերակազմակերպելու նպատակով:

Հայաստանի Հանրապետության կրթության և գիտության նախարարի 2014 թվականի հունվարի 21-ի թիվ 37 Ա/Ք հրամանով հաստատված «Հանրակրթական ուսումնական հաստատության սովորողի ուսումնական առաջադիմության գնահատման երաշխավորությունների կարգ»-ը ներդնելու նպատակով մարզի ավելի քան 30 պետական հանրակրթական դպրոցներում ուսումնասիրվել է գնահատման կարգի նորամուծությունների ներդրման նպատակահարմարությունները:

Կազմակերպվել է Հայաստանի Հանրապետության կառավարության աշխատակազմի գնահատման և թեստավորման կենտրոնից /ԳԹԿ/ հանրակրթական դպրոցների շրջանավարտներին հասկացված ավարտական և միասնական քննությունների ուղեցույցների ստացումը և բաշխումը:

ԳԹԿ է ներկայացվել մարզի բոլոր հանրակրթական դպրոցների 2014 թվականի շրջանավարտների ավարտական քննությունների ցուցակ-հայտերը:

Հայաստանի Հանրապետության կառավարության աշխատակազմի «Գնահատման և թեստավորման կենտրոն» ՊՈԱԿ-ին օժանդակություն է ցուցաբերվել մարզի հանրակրթական դպրոցներում արտաքին գնահատման աշխատանքների իրականացման ընթացքում:

Հայաստանի Հանրապետության կրթության և գիտության նախարարություն է ներկայացվել մարզի հանրակրթական ուսումնական հաստատությունների 2013-2014 ուստարվա շրջանավարտների միջնակարգ կրթության ատեստատների, հիմնական կրթության վկայականների հայտերը: Սահմանված կարգով կազմակերպվել է ավարտական փաստաթղթերի ստացման և բաշխման գործընթացը: Ուսումնասիրվել և Հայաստանի

Հանրապետության կրթության և գիտության նախարարին է ներկայացվել նաև մարզի տարբեր դպրոցների նախորդ տարիների շրջանավարտներին միջնակարգ կամ հիմնական կրթության վկայականների կրկնօրինակների տրամադրման 100 դիմում-հայտ:

Տարվա ընթացքում կրթության բաժնի կողմից ուսումնասիրվել է մարզի դպրոցների ուսումնադաստիարակչական գործունեության, հաստիքացուցակների ու պաշտոնային դրույքաչափերի Հայաստանի Հանրապետության օրենսդրությանը համապատասխանությունը, այդ ուսումնասիրությունների արդյունքում աշխատանքային պարտականությունների ոչ պատշաճ կատարման, թույլ տված բացթողումների և թերացումների պատճառով օրենքով սահմանված կարգով կարգապահական տարբեր աստիճանների տույժերի են ենթարկվել մարզային ենթակայության 5 պետական հանրակրթական դպրոցների տնօրեններ:

Հայաստանի Հանրապետության կրթության պետական տեսչության պետի 2014 թվականի հունիսի 4-ի N 29-Ա կարգադրության համաձայն, 2014 թվականի հունիսի 10-16-ը ՀՀ Շիրակի մարզպետարանի կրթության, մշակույթի և սպորտի վարչությունում իրականացվել է տեսչության կողմից 2013 թվականին վարչությունում իրականացված ուսումնասիրության արդյունքում բացահայտված խախտումների հետևանքների վերացման նպատակով ներկայացված առաջարկությունների կատարման նկատմամբ վերահսկողություն: Ուսումնասիրության արդյունքում կազմված տեղեկանքը քննարկվել է մարզպետարանում և իրականացվել են համապատասխան աշխատանքներ կրթության բնագավառը կարգավորող Հայաստանի Հանրապետության օրենսդրության պահանջների խախտումները և թերությունները վերացնելու ուղղությամբ:

Հաշվետու ժամանակաշրջանում Հայաստանի Հանրապետության քաղաքացիների կողմից ստացվել է մարզի կրթության ոլորտին առնչվող ավելի քան 121 դիմում և դիմում-բողոք, որոնց կրթության բաժինը օպերատիվորեն արձագանքելով տվել է անհրաժեշտ պարզաբանումներ և համապատասխան ընթացք:

Մարզի 2 համայնքներում և 3 բնակավայրերում դպրոցահասակ տարիքի սակավաթիվ երեխաներ ունենալու պատճառով դպրոցներ չեն գործում: Աշակերտների համայնքից համայնք երթևեկության կազմակերպման խնդիրը լուծելու նպատակով ներդրված ծրագրի շրջանակներում 2014 թվականին Հայաստանի Հանրապետության պետական բյուջեից հատկացված միջոցներով կազմակերպվել է 11 համայնքների 144 երեխաների տեղափոխումը: Նշված ժամանակահատվածի համար Հայաստանի Հանրապետության պետական բյուջեից այդ նպատակով մարզի համապատասխան ուսումնական հաստատություններին հատկացվել է 10.850.8 հազ. դրամ:

Մարզի հանրակրթական դպրոցների շենքային պայմանների բարելավման և նյութատեխնիկական բազայի արդիականացման նպատակով 2014 թվականի 2-րդ կիսամյակի մեկնարկին շահագործման է հանձնվել Աշոցքի միջնակարգ դպրոցի շենքը, տարվա ընթացքում իրականացվել են ևս 43 դպրոցների շենքերի հիմնանորոգման, մասնակի վերանորոգման, ջեռուցման համակարգերի և պատուհանների տեղադրման, ներքին

հարդարման աշխատանքներ: ՀՕՖ-ի միջոցներով կառուցվել և շահագործման է հանձնվել Գյումրու Օյունջյան դպրոց-վարժարանին կից «Վարդուհի» արվեստի դպրոցի շենքը:

Դպրոցներին անհրաժեշտ դասագրքերով և ուսումնաօժանդակ միջոցներով ապահովելու նպատակով նախապես իրականացված ուսումնասիրությունների հիման վրա Հայաստանի Հանրապետության կրթության և գիտության նախարարություն ներկայացված ամփոփ հայտի համաձայն ներկրվել, պահեստավորվել և հանրակրթական դպրոցներին է բաշխվել տարրական դասարանների 27 անուն 37693 կտոր դասագիրք, □Դասագրքերի շրջանառու հիմնադրամ□ ծրագրի շրջանակներում ստացվել և բաշխվել է 38 անուն 50751 կտոր դասագիրք, 18 անուն 1419 կտոր ուսուցչի ձեռնարկ, Հայաստանի Հանրապետության պետական բյուջեի միջոցներով տպագրված 7 անուն 4960 կտոր դասագիրք:

2014 թվականին միջազգային հիմնադրամների, հասարակական կազմակերպությունների և անհատ բարերարների կողմից որոշակի աջակցություն է ցուցաբերվել մարզի հանրակրթական ուսումնական հաստատություններին դպրոցական գույքի տեսքով, ինչպես նաև կրթական պայմանների բարելավման ուղղությամբ, որի ընդհանուր արժեքը կազմել է 54.082.5 հազ. դրամ, որից՝ 2014 թվականի 1-ին կիսամյակում՝ 42.981.2 հազ. դրամ և 11.101.3 հազ. դրամ՝ 2-րդ կիսամյակում:

Հանրակրթության ոլորտի զարգացման կարևոր բաղադրիչներից են ուսումնական գործընթացում տեղեկատվական և հաղորդակցության տեխնոլոգիաների (ՏՀՏ) ներդրումն ու որակյալ ինտերնետային կապով համալրումը: Շարունակելով համագործակցությունը □Dasaran.am□ կրթական ծրագրի հետ՝ 2014 թվականի 1-ին կիսամյակում ծրագրի շահառու դպրոցների ցանկը ընդլայնվեց՝ ընդգրկելով մարզի գյուղական համայնքների հանրակրթական ուսումնական հաստատությունները և 2-րդ կիսամյակում՝ 2014-2015 ուսումնական տարվա սկզբից նշված գյուղական համայնքների դպրոցները □Dasaran.am□ կրթական ծրագրի հետ գտնվում են լիիրավ համագործակցային դաշտում:

Համապատասխան կազմակերպական աշխատանքներ են իրականացվել «Դպրոցների կառավարման տեղեկատվական համակարգի» (ԴԿՏՀ) ներդրման ուղղությամբ: □Dasaran.am□ ծրագիրը և «Դպրոցների կառավարման տեղեկատվական համակարգը» (ԴԿՏՀ) դպրոցներին և սովորողներին հնարավորություն են տալիս ժամանակակից չափանիշներին համապատասխան □on line□ դաշտում իրականացնել միջդպրոցական և միջանձնային հաղորդակցություններ, փորձի և ձեռքբերումների փոխանակումներ:

Արտակարգ իրավիճակներում, բնական տեխնածին աղետների դեպքերում բնակչությանը՝ այդ թվում և դպրոցներին անհրաժեշտ օգնություն ցուցաբերելու աշխատանքերի շրջանակներում կրթության բաժինը համագործակցել է մարզպետարանի աշխատակազմի համապատասխան ստորաբաժանումների, Հայաստանի Հանրապետության տարածքային կառավարման և արտակարգ իրավիճակների նախարարության Փրկարար Ծառայության Շիրակի մարզային փրկարար վարչության, «Աղետների ռիսկի նվազեցման ազգային

պլատֆորմ» հիմնադրամի, ՄԱԿ-ի Զարգացման Ծրագրի, Հայկական կարմիր խաչի ընկերության և «Վորլդ Վիժն Ինթերնեյշնլ» միջազգային բարեգործական կազմակերպության Հայաստանյան մասնաճյուղի Շիրակի մարզի զարգացման ծրագրի հետ և մասնակցություն է ունեցել Հայկական կարմիր խաչի ընկերության «Կառուցենք անվտանգ տեղական համայնքներ հարավային Կովկասում» ծրագրի 3-րդ փուլին: Ծրագրի շրջանակներում մասնակից դպրոցների 232 ուսուցիչներ 2014 թվականի հոկտեմբերի 20-24-ը Գյումրու N10 և N20 հիմնական դպրոցներում մասնակցեցին 1-օրյա թարմացման դասընթացին՝ նվիրված բնական և տեխնածին աղետներից ընտանիքների պաշտպանվելուն, առաջին օգնության ցուցաբերման հմտություններին: Դասընթացի շրջանակներում շահառու դպրոցների աշակերտներին հանձնարարվել էր կազմել Աղետի ընտանեկան պլաններ, և դպրոցի լավագույն 3 պլանները ներկայացնել Հայկական Կարմիր խաչի Շիրակի մարզային գրասենյակ և նշված աշխատանքների հեղինակները Հայկական Կարմիր խաչի կողմից պարգևատրվեցին խրախուսական պարգևներով:

Կարևորելով բնական և տեխնածին աղետների ռիսկերի նվազեցման, ահաբեկչության և թմրամոլության դեմ պայքարի ուղղությամբ պահանջվող միջոցառումների պատշաճ իրականացումը՝ մարզի հանրակրթական դպրոցներին ցուցաբերվել է համապատասխան մեթոդական աջակցություն ահաբեկչության, թմրամոլության դեմ պայքարի և բնական ու տեխնածին աղետներից բնակչության, դպրոցի աշխատակազմի պաշտպանությանն ուղղված միջոցառումների ծրագրերի կազմման և դրանց իրականացման նպատակով: Անցկացված միջոցառումներին որպես մասնագետ-խորհրդատուներ մասնակցել են ազգային անվտանգության, ոստիկանության, փրկարար ծառայության, բժշկական հաստատությունների և հասարակական կազմակերպությունների ներկայացուցիչներ:

2014 թվականի հոկտեմբեր ամսից մարզի դպրոցներում ստեղծվել են  Պատանի երկրապահ  հայրենասիրական ակումբներ, որոնք համաձայն Հայաստանի Հանրապետության պաշտպանության, կրթության և գիտության նախարարությունների և  Երկրապահ կամավորական ընկերություն  ՀԿ-ի միջև 09.09.2014թ. կնքված փոխըմբռնման հուշագրի կոչված են հանրակրթական դպրոցներում խթանելու սովորների հայրենասիրական դաստիարակությունը՝ համատեղ մշակելով և իրականացնելով թեմատիկ տարաբնույթ միջոցառումներ:

Մարզի հանրակրթական ուսումնական հաստատությունները կրթության բաժնի մասնակցությամբ սերտ համագործակցության մեջ են Մայր Աթոռ Սուրբ Էջմիածնի Քրիստոնեական դաստիարակության կենտրոնի հետ: 2014 թվականի հոկտեմբերին մարզի դպրոցներում անցկացվեց  Ավետարանական առակները դպրոցում  խորագրով միջոցառումների մրցույթ, որի մարզային փուլի հաղթող ճանաչված Գյումրու N24 հիմնական և Զրափիի միջնակարգ դպրոցների սաները դեկտեմբերի 10-ին Մայր Աթոռ Սուրբ Էջմիածնում մասնակցեցին մրցույթի հանրապետական փուլին և Զրափիի միջնակարգ դպրոցի խումբը



արժանացավ  Լավագույն բեմականացում  անվանակարգի հաղթողի կոչմանը: Շարունակելով համագործակցությունը Մայր Աթոռ Սուրբ Էջմիածնի հետ՝ 2014 թվականի նոյեմբերի կայացավ արդեն ավանդական դարձած  Առարկայական լավագույն ուսուցիչ  մրցույթի հանրապետական փուլը, որտեղ Շիրակի մարզի Գյումրու N3 ավագ դպրոցի ներկայացուցիչը  Հայոց պատմություն  և Ախուրյանի N2 հիմնական դպրոցի ներկայացուցիչը  Ֆիզիկա  առարկաներից համապատասխանաբար դարձան 1-ին և 3-րդ մրցանակակիրներ:

2014 թվականի հոկտեմբեր ամսին տեղի ունեցան  Լավագույն տնօրեն ,  Լավագույն ուսուցիչ ,  Լավագույն դաստիարակ  հանրապետական մրցույթների հանրապետական փուլերը:  Լավագույն ուսուցիչ  անվանակարգում Շիրակի մարզը ներկայացնող Կառնուտի միջնակարգ դպրոցի պատմության ուսուցչուհի Հայկուհի Հովհաննիսյանը արժանացավ 2014 թվականի լավագույն ուսուցչի կոչմանը և պարգևատրվեց Հայաստանի Հանրապետության կրթության և գիտության նախարարի կողմից:

2014 թվականի հոկտեմբեր ամսին մարզում անցկացվեց  Լավագույն զինվորական դեկավար  և  Լավագույն քաղաքացիական պաշտպանության շտաբի պետ  մրցույթների մարզային փուլերը, որոնց հաղթողների մասին անհրաժեշտ տեղեկատվությունը համաձայն մրցույթի անցկացման կարգի ներկայացվեց Հայաստանի Հանրապետության կրթության և գիտության նախարարությանը:

2014 թվականի օգոստոսի 28-ին տեղի ունեցավ նոր՝ 2014-2015 ուսումնական տարվան նվիրված մարզի կրթության ոլորտի օգոստոսյան խորհրդակցությունը՝ Հայաստանի Հանրապետության կրթության և գիտության նախարարի, Հայաստանի Հանրապետության Շիրակի մարզպետի և մարզի հանրակրթական ուսումնական հաստատությունների տնօրենների, փոխտնօրենների և զինղեկների մասնակցությամբ:

2014 թվականի նոյեմբերի 15-16-ը մարզի պետական հանրակրթական դպրոցների 12-13 աշակերտները մասնակցեցին Հայաստանի Հանրապետության կրթության և գիտության նախարարության,  Տաշիր  բարեգործական հիմնադրամի և  Արմենիա  հեռուստաընկերության եռակողմ հուշագրի շրջանակներում իրականացվող  Ամենախելացին  ինտելեկտուալ հեռուստանախագծի նախնական ընտրական փուլին:

Մարզի պետական հանրակրթական դպրոցները պատշաճ մասնակցություն են ունեցել մարզում անցկացված պետական, ազգային տոների նվիրված մարզա-մշակութային միջոցառումներին: Համակարգվել և անհրաժեշտ աջակցություն է ցուցաբերվել դպրոցականների շրջանում անցկացված սպորտային՝  Հայաստանի Հանրապետության Ազգային ժողովի գավաթ ,  Հայաստանի Հանրապետության դպրոցականների 23-րդ

մարզական խաղեր, Նախագորակոչային և գորակոչային տարիքի երիտասարդության  
ռազմամարզական խաղեր, ինչպես նաև մշակութային՝ Բանակ-22, Մայրության և  
գեղեցկության օր, Գիտելիքի օր, Հայաստանի Հանրապետության Անկախության օր,  
Երիտասարդ նկարիչների միջազգային 3-րդ պլեներ և Ուսանողության միջազգային  
օր միջոցառումներին:

Հայոց Ցեղասպանության 100-ամյա տարելիցին ընդառաջ մարզային ենթակայության  
պետական հանրակրթական դպրոցները համապատասխան շրջաբերական-  
հանձնարարականի համաձայն մշակել են միջոցառումների ծրագրեր և դրանց  
ժամանակացույցերը ներկայացված են աշխատակազմի կրթության բաժնին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏԱՐԱՆԻ

ԱՇԽԱՏԱԿԱԶՄԻ ԿՐԹՈՒԹՅԱՆ, ՄՇԱԿՈՒՅԹԻ ԵՎ ՄՊՈՐՏԻ

ՎԱՐՉՈՒԹՅԱՆ ԿՐԹՈՒԹՅԱՆ ԲԱԺՆԻ ՊԵՏ

Գ. ՂՈՒՄԱՇՅԱՆ